



Inatsisartuni ilaasortaq  
Naaja H. Nathanielsen

## Apeqqut nr. 166-imut akissut, Urani pillugu apeqqumi inunnik taasisitsinissaq

24. september 2013

Inatsisartut suleriaasianni § 37 naapertorlugu Naalakkersuisunut makkuninnga apeqquteqarsimavutit:

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

1) *Aatsitassarsiornermut Inuussutissarsiornermullu Naalakkersuisup eqqarsaatersuutigaa Kuannersuarni aatsitassarsiornermi avatangiisinut sunniutissat pillugu nalunaarusiaq Narsami innuttaasunit taasisutigineqassasoq. Tunngavilersuutit sorpiaat pissutigalugit nunatsinni innuttaasut avatangiisinut sunniutissat pillugit tusarniarneqassanngillat?*

Aatsitassarsiornermi suliniutit pillugit aalajangiussisoqarnera sioqqullugu innuttaasunik ilanngussuinerup isumannaarnissaa Naalakkersuisut assut pingaartippaat. Paasisitsiniaanerni aamma innuttaasunik ilanngussuinerne avatangiisinut sunniutaasussanik nalunaarusiaq (VVM) tusarniaasitsinerillu tassaapput sakkut pingaarutillit. Najoqqutasiiisunik inunnik taasisitsisarnerit tassaassapput aalajangiussinernik ingerlassani innuttaasunik ilanngussuinermik annertusaanermut toqqaannartumik periusersaq. VVM-imik misissuineq aatsitassarsiornermik suliniummi piviusumi kingunerisassanik paasinaallunilu nassuiaaniarluni suliarineqartarpoq. Taamaattumik aatsitassarsiornermik suliniutip sumiiffigisaani innuttaasut tusarniaanerni aamma najoqqutassiiisunik inunnik taasisitsinnaanerni isummaminnik saqqummiussinnaanissaminnik imaaliillaannartumik immikkullu ittumik soqutigisaqarnerat pissusissamisoorpoq.

2) *Avatangiisinut sunniutaasussanik misissuinerup ataatsip innuttaasunut taasisitsisutiginiarneqarnera sunik siunertaqarnerisooq takujuminaappoq. Taasisitsinerup inerneru sumut atorniarneqarpa? Avatangiisinut sunniutaasussanik misissuineq akuerineqanngippat, taava suliniut tamarmi itigartinneqassava? Imaluunniit misissuineq suliarineqaaqqissava? Avatangiisinut sunniutaasussat pillugit nalunaarusiami immikkoortoq sorlerpiaq naaggaartunit naaggaarneqarnerisooq Naalakkersuisut qularnanngitsumik ilisimassavaat?*

Innuttaasut taasisinneqarnissaat pillugu apeqqut pillugu Naalakkersuisut siulittaasuat ammaanersiornermik oqalugiarnermi ilaatigut matuminnga oqaaseqarpoq:

*"Inatsisartut Naalakkersuisullu qinigaapput innuttaasut sinnerlugit aalajangiisartusatut. Apeqqutilli ilaanni ima pingaartigisarpur innuttaasunut toqqaannartumik apeqqutigineqartariqartarlutik. Siusinnerusukkut oqaatigereerpara uranimik akullit aatsitassat piiarneqannginnissaannik aalajangiussaasimasup atorunnaarsinneqar-*

*nissaa Naalakkersuisut kissaatigigaat. Apeqqut tassunga tunngasoq maani, Inatsisartuni, aalajangiiffigissavarput. Apeqqut alla immikkuullarilluni nunap ilaanut aalajangersumut tunngavoq. Tassalu Narsap eqqaani, Kuannersuarni, aatsitassarsiorneq akuerissaneripput. Pilersaarut taanna immikkuullarippoq, tassami nunap sananeqaataasa qaqtigoortut, mineralinik radiop qinngorneranik ilaqtartut iluaqutigineqar-nissaanik ilaqarami - illoqarfiullu qanittuaniilluni. Tassani pissutsit allaassutigaat aat-sitassarsiorfissatut pilersaarutaasoq Narsap qanittuaniimmat.”*

Taamatut pisoqassappat inunnik taasisitsinerup qanoq ingerlanneqarlunilu aqqissu-  
unneqarnissaa Naalakkersuisut suli aalajangersimanngilaat. Najoqqutassaasinnaasumil-  
lu innuttaasunik taasisitsinermut tunngatillugu sapinngisamik annertunerpaamik up-  
pernassuseqarnerup pilersinnissaa pillugu siammasissumik politikkikkut isumaqatigiit-  
toqarnissaanik angusaqarniarnissaaq Naalakkersuisunut pingaartuuvoq.

3) *Siunnersuutaasoq ileqqorisassanut maligassanngussava, tassa suliniutit allat  
aamma pillugit avatangiisinut sunniutissanik misisuinerit innuttaasunit taasisutigine-  
qartalissappat? London Miningip avatangiisinut sunniutaasussanut nalunaarusiaa Nu-  
ummi innuttasunit taasisutigineqassava?*

Apeqqummut 1-imut aamma 2-mut akissutigisanut innersuussissaanga.

Inussiarnersumik inuulluaqqusillunga

  
Jens-Erik Kirkegaard